

דברים פרק ז

(יב) והיה עקב תשמעון את המשפטים האלה ושמרתם ועשיתם אתם ושמר ידוד אלהיך לך את הברית ואת החסד אשר נשבע לאבתך: (יג) ואהבך וברכך והרבך וברך פרי בטןך ופרי אדמתך דגנך ותירשך ויצהרך שגר אלפיך ועשתרת צאנך על האדמה אשר נשבע לאבתך לתת לך: (יד) ברוך תהיה מפל העמים לא יהיה בך עקר ועקרה ובבהמתך: (טו) והסיר ידוד ממך כל חלי וכל מדוי מצרים הרעים אשר ידעת לא ישימם בך ונתנם בכל שנאיך: (טז) ואכלת את כל העמים אשר ידוד אלהיך נתן לך לא תחס עינך עליהם ולא תעבד את אלהיהם פי מוקש הוא לך: ט

דברים פרק יא

(יג) והיה אם שמע תשמעו אל מצותי אשר אגנכי מצוה אתכם היום לאהבה את ידוד אלהיכם ולעבדו בכל לבבכם ובכל נפשכם: (יד) ונתתי מטר ארצכם בעתו יורה ומלקוש ואספת דגנך ותירשך ויצהרך: (טו) ונתתי עשב בשדך לבהמתך ואכלת ושבעת: (טז) השמרו לכם פן יפתה לבבכם וסרתם ועבדתם אלהים אחרים והשתחוויתם להם: (יז) וחרה אף ידוד בכם ועצר את השמים ולא יהיה מטר והאדמה לא תתן את יבולה ואבדתם מהרה מעל הארץ הטבה אשר ידוד נתן לכם: (יח) ושמתם את דברי אלה על לבבכם ועל נפשכם וקשרתם אתם לאות על ידכם והיו לטוטפת בין עיניכם: (יט) ולמדתם אתם את בניכם לדבר בם בשבתך בביתך ובלכתך בדרך ובשכבך ובקומך: (כ) וכתבתם על מזוזות ביתך ובשעריך: (כא) למען ירבו ימיכם וימי בניכם על האדמה אשר נשבע ידוד לאבתים לתת להם כימי השמים על הארץ: ט

ויקרא פרק כו

(ג) אם בחקתי תלכו ואת מצותי תשמרו ועשיתם אתם: (ד) ונתתי גשמיכם בעתם ונתנה הארץ יבולה ועץ השדה יתן פרו: (ה) והשיג לכם דיש את בציר ובציר ישיג את זרע ואכלתם לחמכם לשבע וישבתם לבטח בארצכם: (ו) ונתתי שלום בארץ ושכבתם ואין מחריד והשבתי חיה רעה מן הארץ וחרב לא תעבר בארצכם: (ז) ורדפתם את איביכם ונפלו לפניכם לחרב: (ח) ורדפו מכם חמשה מאה ומאה מכם רבבה ירדפו ונפלו איביכם לפניכם לחרב: (ט) ופניתי אליכם והפריתי אתכם והרביתי אתכם והקימתי את בריתי אתכם: (י) ואכלתם ישן נושן וישן מפני חדש תוציאו:

(יא) ונתתי משכני בתוכם ולא תגעל נפשי אתכם: (יב) והתהלכתי בתוכם והייתי לכם לאלהים ואתם תהיו לי לעם: (יג) אני ידוד אלהיכם אשר הוצאתי אתכם מארץ מצרים מהית להם עבדים ואשפר מטת עלכם ואולך אתכם קוממיות:

תהלים פרק פא

(ט) שמע עמי ואעידה בך ישראל אם תשמע לי:
(י) לא יהיה בך אל זר ולא תשתחוה לאל נכר:
(יא) אגנכי ידוד אלהיך המעלך מארץ מצרים הרחב פיך ואמלאהו:
(יב) ולא שמע עמי לקולי וישראל לא אבה לי:
(יג) ואשלחהו בשרירות לבם ילכו במועצותיהם:
(יד) לו עמי שמע לי ישראל בדרכי יהלכו:
(טו) כמעט אויביהם אכניע ועל צריהם אשיב ידי:
(טז) משנאי ידוד יכחשו לו ויהי עתם לעולם:

משנה מסכת אבות פרק ב משנה א

רבי אומר איזוהי דרך ישרה שיבור לו האדם כל שהיא תפארת לעושה ותפארת לו מן האדם והוי זהיר במצוה קלה כבחמורה שאין אתה יודע מתן שכרן של מצות והוי מחשב הפסד מצוה כנגד שכרה ושכר עבירה כנגד הפסדה והסתכל בשלשה דברים ואי אתה בא לידי עבירה דע מה למעלה ממך עין רואה ואוזן שומעת וכל מעשיך בספר נכתבין :

ר' עובדיה מברטנורא מסכת אבות פרק ב משנה א

שאיין אתה יודע מתן שכרן של מצות - לא נתפרש בתורה שכר המקיים מצות עשה, ולא עונש המבטל מעשותן. דאילו עונשן של מצות לא תעשה מפורשין הן, סקילה, שריפה, הרג, וחנק, כרת, ומיתה בידי שמים, ומלקות. העונש הקל לעבירה קלה, והחמור לחמורה :

משנה מסכת אבות פרק ד משנה ב

בן עזאי אומר הוי רץ למצוה קלה כבחמורה ובורח מן העבירה שמצוה גוררת מצוה ועבירה גוררת עבירה ששכר מצוה מצוה ושכר עבירה עבירה :

סידור

למוד תורה הרבה ויתנו לך שכר הרבה, ודע מתן שכרן של צדיקים לעתיד לבוא.